



Inatsisartunut ilaasortaq, Erik Jensen, Siumut
Maani/

§ 37 naapertorlugu apeqquteqaammut nr. 89 tunngasumut akissut

01-06-2026
Suliap normua: 2026 - 10103
All. nr.: 26514083

Inatsisartut suleriaasissaanni § 37 imm. 1 naapertorlugu Royal Greenland A/S aammalu Aasianni suliffissuaq pillugu Naalakkersuisunut apeqquteqarsimavutit. Apeqqut suliassaqarfigisannit akineqartussanngorlugu innersuunneqarpoq.

Postboks 269
3900 Nuuk
Oq. (+299) 34 50 00
Fax. (+299) 34 63 55
E-mail: apn@nanoq.gl
www.naalakkersuisut.gl

1. Royal Greenlandip aalisakkanik suliffissuarni aalajangersimasuni tulaanneqartartussanik avataasiorluni immikkut qaleralittassinneqartarsimanera pissusissamisoortut imaluunniit pisariaqartut Naalakkersuisut isigaat?

1-mut) Royal Greenland A/S piffissami killilimmi 100 %-imik nunamut tulaanneqartussaataitaasunik tisaneqartussanngortitaasunillu pisassiissutinik tunineqarpoq. Avataasiorlutik ingerlatseqatigiiffiit allat taamani 25%-imik tulaassisussaataitaapput. 2014-imi Avannaani 100 %-imik nunamut tulaanneqartussaataitaasunik tisaneqartussanngortitaasunillu pisassiissutinut neqeroortigineqartunut Royal Greenland A/S ajugaavoq aamma 2019-imi Kujataata Kitaani 100 %-imik nunamut tulaanneqartussaataitaasunik tisaneqartussanngortitaasunillu Royal Greenland pisassiissutinik amerlanerusunik tunineqarpoq. Pisassiissutinik 100 %-imik nunamut tulaanneqartussaataitaasunik tisaneqartussanngortitaasunillu neqeroortitsinermi nunami suliffissaqartitsinerulernissaq siunertaavoq. Naalakkersuisunit nunami suliffissaqarnerup annertunerulersinnissaa kissaatigaat, taamaalillunilu ingerlatseqatigiiffiit tulaasserusunerlutik tisaatitserusullutillu neqeroorteqarsinnaallutik tassanilu ukiumut sularisinnaasat qanoq amerlatigisut pilersinneqarsinnaanersut nalunaarutigalugu. Royal Greenland A/S Maniitsumi tunisinermit tisaartormullu neqeroortitsinermit ajugaavoq kingusinnerusukkullu tunitsivimminnut arlalinnut tunisinnissamik peqquneqarput suliffissaqarniarneq qulakkeerniarlugu. Tamanna aamma tunngaviuvoq 2019-mi tunisisussaataitaalluni tisaneqartussanngortitaasunullu pisassiissutit qaffanneqarnerannut.

2. Royal Greenlandip aalisakkanik suliffissuarni aalajangersimasuni tulaanneqartartussanik avataasiorluni immikkut qaleralittassinneqartarnissaa ullumikkut, siunissamilu suli pisariaqartut Naalakkersuisut isumaqarfigaat?

2-mut) 2024-mi Royal Greenland A/S-p tunisisussaataitanera tisaneqartussanullu pissusaaffeqarnera 100 %-imit 25 %-nut allanngortinneqarpoq. Tamanna inassutigineqarpoq Attassisinnaanermut Ineriartortitsinissamullu Pilersaarut tunngavigalugu. Royal Greenland A/S suli suliffissuarnut aalajangersimasunut

tunisissamut pisussaataivoq, tassunga ilaapput: Paamiut, Maniitsoq, Kangaatsiaq imaluunniit Qasigiannuit.

3. Royal Greenland Aalisarnermut Inatsit malillugu ingerlatseqatigiiffinnut allanut sanilliullugu annertunerusumik raajartassinneqarsimanera Naalakkersuisut pissusissamisoortutut isigivaat?

3-mut) Royal Greenland A/S Namminersorlutik Oqartussanit pigineqartutut najukkani piffissaniluunniit tamatigut imminut akilersinnaanngiffiusuni tunisassiornerminik ingerlatsinissamik pisussaaffeqarpoq. Taamaattumik suliffeqarfiit namminersortut atugaasa assinginik periarfissaqarlutik nammineerlutik suliassanik ingerlatsinnaanngillat.

a. Imaluunniit apeqquut nr. 3-mi tunngavilersuutigineqartoq Naalakkersuisut isumaqatiginngilaat? Taamaassimappat tamatuma allanngortinnissaa Naalakkersuisut pilersaarutigivaat?

3 a-mut) Attuumassuteqanngilaq, takuuk apeqquut 3-mut akissuteqaat.

4. 2026-imi pisassiissutit ullumikkutut taamak amerlassuseqartillugit, tunisassiorfiillu allat aningaasarsiornikkut innarlinngikkaluarlugit, Aasianni aalisakkeriviup ammannarnissaa ilumut qulakkeerneqarsinnaasutut Naalakkersuisut isumaqarfigaat?

4-mut) Maannakkut tunisassiorfinnut nioqutissiassanik pilersuinermut qulakkeernissutaasumik aaqqiissuteqarniarlutik ingerlatseqatigiiffiit attuumassuteqartut Naalakkersuisut suleqatigerusuppaat. Ukiuni kingullerni raajat pillugit siunnersuutigineqartartut ikiliartorsimapput, kisianni nioqutissiassanut allanut pisassiissutit qaffariartorsimapput.

5. Aasianni aalisakkeriviup ammannarnissaa anguniarlugu Polar Seafood Greenland A/S amerlanerusunik pisassinneqassava?

5-imut) Suliffissuaq ammannaqqullugu nioqutissiassanik pilersuinerup qulakkeerneqarnissaanut Naalakkersuisut aaqqiissutissarserusupput. Suliaq suli naammassineqanngilaq.

Inussiarnersumik inuulluaqqusillunga

Peter Borg

Aalisarnermut, Piniarnermut, Nunalerinermut Imminullu Pilersornermut Naalakkersuisoq